

mensuram suae bonitatis distribuit. Tunc erit omnis bonitas, omnis beatitudo<sup>a</sup>, omnis 800  
sufficiencia in omnibus. Ad huius vero summae beatitudinis et indeficientis gloriae medio mense  
post labores huius vitae felicitatem deus Iesus te pervenire faciat, domine desideran-  
tissime et omni honore dignissime<sup>b</sup>. Iunio.

5 Divitias tribuat veras tibi<sup>c</sup>, David amate,  
Cum sanctis pariter Christus in arce poli.

## 199.

*Felix episcopus Urgellitanis significat praesente Carolo rege de adoptione et nuncupatione convictum ab erroribus suis se recessisse. Hortatur, ut etiam ipsi in viam rectam redeant.*

800 medio mense Iunio.

10 *Cod. S. Mariae Remensis deperditus, cuius copiam Iac. Sirmondus Andr. Quercetano fecit<sup>a</sup>.  
Edd. Quercetanus col. 998—1004, Frobenius I, 917—919, J 139. — Migne XCVI, col. 881.*

IN DEI NOMINE. FELIX, OLIM INDIGNUS EPISCOPUS, DOMNIS IN CHRISTO FRATRIBUS EMANI  
PRESBYTERO, ILDESINDO PRESBYTERO ATQUE EXSUPERIO, GUNDEFREDO, SIDONIO NECNON  
ET ERMEGILDO SEU CAETERIS PRESBYTERIS, SIMILITER VITTILDO DIACONO ET VUITIRICO  
15 SEU CAETERIS CLERICIS IN PAROCHIA ORGELLITANAE ECCLESIAE DEAGENTIBUS, SEU CAETERIS  
FIDELIBUS ECCLESIAE IN SUPERDICTO COMMISSO COMMORANTIBUS, IN DOMINO DEO PATRE ET  
IESU CHRISTO, VERO FILIO EIUS, DOMINO AC REDEMPTORE NOSTRO, ET IN SPIRITU SANCTO  
AETERNAM SALUTEM.

De caetero ad agnitionem vestram reducimus, quia, postquam ad praesentiam  
20 domini nostri ac piissimi gloriosique Caroli regis perductus sum et eius conspectui  
praesentatus, licentiam ab eo, secundum quod et venerabilis domnus Laidradus<sup>b</sup> epi-  
scopus<sup>1</sup> nobis in Orgello pollicitus est<sup>2</sup>, accepimus, qualiter in eius praesentiam in  
conspectu episcoporum, quos ad se ordinatio gloriosi principis nostri convenire fecerat<sup>3</sup>,  
sententias nostras, quas ex libris sanctorum habere nos de adoptione carnis in filio  
25 Dei seu nuncupatione in humanitate eius credebamus, praesentaremus; qualiter non  
in violentia, sed ratione veritatis nostra adsertio rata iudicaretur, si ab illis per  
auctoritatem sanctorum patrum minime repudiarentur. Quod ita factum est.

Nam prolatas a nobis sententias de superdicta contentione, hoc est de adoptione  
carnis atque nuncupatione, ita illi ex auctoritate de libris sanctorum patrum, id est  
30 Cyrilli episcopi<sup>4</sup> et beati Gregorii papae urbis Romae, seu beati Leonis sive et aliorum  
sanctorum patrum, qui nobis prius incogniti erant, seu per auctoritatem synodi, quae  
nuper in Roma hac intentione, praecipiente gloriosissimo ac piissimo domino nostro  
Carolo, adversus epistolam meam, quam dudum venerabili viro Albino abbati Toro-  
nensis ecclesiae scripseram, congregata est — in qua synodo, praesente Leone<sup>5</sup> apo-  
35 stolico et cum eo caeteri episcopi numero LVII residentes et plerique presbyteri ac  
diaconi cum eis in domo beatissimi Petri apostoli — per quorum omnium auctoritatem  
istas iam dictas sententias nostras, non qualibet ut dictum est violentia, sed ratione  
veritatis ut oportuit excluserunt.

<sup>a</sup>) beati T. <sup>b</sup>) dignissimae T. <sup>c</sup>) om. T, add. Quercetanus.

40 199. <sup>a</sup>) Lemma: Confessio fidei Felicis Orgellitanae sedis episcopi, quam ipse post  
spretum errorem suum in conspectu edidit, et eis, qui in ipso errore ei dudum consen-  
tientes fuerant, direxit. <sup>b</sup>) Laidracus Querc.

1) Lugdunensis. 2) anno 799. 3) Aquisgrani medio mense Iunio 800, v. infra p. 344,  
Vit. Alchv. c. 10 (SS. XV, 190): congregavit synodum magnam episcoporum in Aquisgrani imperiali  
45 palatio. 4) Ibid.: usque dum dicta Cyrilli martiris ab Albino sibi directa legit lamentabiliter:  
Ea natura, quae per diabolum vitiata est, super angelos exaltata est propter triumphum Christi atque  
ad dexteram patris collocata. 5) III. cf. Mansi Coll. conc. XIII, 1031, Pauli contin. Rom. (SS. rer.  
Langob. p. 202).